



დიზელ-გენერატორებისა და უწყვეტი კვების
წყაროების (UPS) ტექნიკური მომსახურების
ელექტრონული ტენდერის საშუალებით შესყიდვა

სატენდერო დოკუმენტაცია

ქ. თბილისი

2016 წელი

სარჩევი

1. ტექნიკური დოკუმენტაცია
2. სახელმწიფო შესყიდვების შესახებ ხელშეკრულების პროექტი

ტექნიკური დოკუმენტაცია

შესყიდვის ობიექტია დიზელ-გენერატორებისა და უწყვეტი კვების წყაროების ტექნიკური მომსახურება, საჭიროების შემთხვევაში, სათადარიგო ნაწილების მიწოდებით (შემდგომში, მომსახურება). დიზელ-გენერატორების დასახელება, მახასიათებლები და ადგილმდებარეობა მოცემულია დანართ №1-ში, ხოლო დიზელ-გენერატორების ტექნიკური მომსახურების აღწერილობა მოცემულია დანართ №2-ში. უწყვეტი დენის წყაროების (UPS) დასახელება, მახასიათებლები და ადგილმდებარეობა მოცემულია დანართ №3-ში, ხოლო უწყვეტი დენის წყაროების (UPS) ტექნიკური მომსახურების აღწერილობა – დანართ №4-ში. . კლასიფიკატორის კოდი – 50500000.

1. პრეტენდენტის მიერ ერთიან ელექტრონულ სისტემაში ატვირთული ტექნიკური დოკუმენტაცია უნდა შეიცავდეს შემდეგ დოკუმენტებსა და ინფორმაციას:

1. პრეტენდენტის რეკვიზიტებს (დასახელება, იურიდიული და ფაქტიური მისამართი, ფიზიკური პირის შემთხვევაში – საცხოვრებელი ადგილი), ხელმძღვანელის სახელი და გვარი, საკონტაქტო პირის/ების სახელი, გვარი, ტელეფონის ნომერი, ელექტრონული ფოსტის მისამართი, საბანკო რეკვიზიტები).
2. განფასებას (პრეისკურანტს) დანართების №2 და №4-ის შესაბამისად დიზელ-გენერატორებსა და უწყვეტი კვების წყაროებზე.
3. ინფორმაციას, რომ პრეტენდენტს გააჩნია დიზელ-გენერატორებისა და უწყვეტი კვების წყაროების ტექნიკური მომსახურების გაწევის არანაკლებ სამწლიანი გამოცდილება. აღნიშნულის დასტურად პრეტენდენტმა უნდა წარმოადგინოს არანაკლებ სამი სარეკომენდაციო წერილი და რეკომენდატორებთან გაფორმებული ხელშეკრულებები.
4. პრეტენდენტის ტექნიკურ პერსონალს გავლილი უნდა ჰქონდეს შესაბამისი ტრენინგი დიზელ-გენერატორებისა და უწყვეტი კვების წყაროების მწარმოებელ კომპანიაში, რის დასტურად უნდა წარმოადგინოს შესაბამისი კვალიფიკაციის დამადასტურებელი სერთიფიკატ(ებ)ი.

2. სატენდერო წინადადება ხელმოწერილი უნდა იყოს პრეტენდენტის წარმომადგენლობაზე უფლებამოსილი პირის მიერ.

3. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

4.იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა შესაძლებელია დასაბუთდეს მომსახურების განფასების (პრეისკურანტის) ექსპერტიზით, რომელიც უნდა ჩაატაროს ლევან სამხარაულის სახელობის ექსპერტიზის ეროვნულმა ბიურომ ან აკრედიტებულმა შესაბამისმა პირმა. პრეტენდენტმა უნდა წარმოადგინოს განფასების ექსპერტიზის შედეგად გაცემული დასკვნა, აგრეთვე დოკუმენტი, რომლითაც დადასტურდება, რომ ფასწარმოქმნის ადეკვატურობაზე საექსპერტო დასკვნის გამცემი პირი აკრედიტებულია შესაბამისი ორგანოს მიერ შესაბამის სფეროში (ამ დოკუმენტის წარმოდგენა სავალდებულოა, თუ დასკვნის გამცემი არ არის სსიპ “ლ. სამხარაულის სახელობის ექსპერტიზის ეროვნული ბიურო”). პრეტენდენტმა უნდა აანაზღაუროს დასკვნის გაცემასთან დაკავშირებული ხარჯები.

განფასების საექსპერტო დასკვნის წარმოსადგენად პრეტენდენტს განესაზღვროს 10 სამუშაო დღე.

5. შესყიდვის სავარაუდო ღირებულება:

პრეტენდენტი ელექტრონული ვაჭრობის დროს წინადადების ფასის კლებას ახდენს განფასების ცხრილის (პრეისკურანტის) სავარაუდო ღირებულებასთან მიმართებაში, რაც პროცენტულად და პროპორციულად უნდა აისახოს პრეისკურანტზე. პრეისკურანტის სავარაუდო ღირებულებაა **1 086 708** (ერთი მილიონ ოთხმოცდაექვსი ათას შვიდას რვა) ლარი, რომელიც დღგ-ს არ შეიცავს. სახელმწიფო შესყიდვის შესახებ ხელშეკრულების ღირებულებაა **130000** (ას ოცდაათი ათასი) ლარი დღგ-ს გარეშე, რომელსაც სახელმწიფო შესყიდვის შესახებ ხელშეკრულებაში დაემატება დღგ საქართველოს კანონმდებლობით დადგენილი წესით.

6. ანგარიშსწორების პირობა: ანგარიშსწორება მოხდება ეტაპობრივად, ფაქტობრივად გაწეული მომსახურების შესაბამისად დეფექტური აქტისა და მიღება-ჩაბარების აქტის ხელმოწერიდან, შემსყიდველისთვის საგადასახადო ანგარიშფაქტურის წარდგენიდან 10 დღის ვადაში. წინასწარი ანგარიშსწორება არ დაიშვება.

7. მომსახურების გაწევის ვადა: მიმწოდებელმა მომსახურების გაწევა უნდა დაიწყოს შემსყიდველის მოთხოვნიდან არაუგვიანეს 24 საათისა ქ. თბილისში,

ხოლო - არაუგვიანეს 48 საათისა რეგიონებში. თუ მიმწოდებელმა ვერ გამოასწორა ხარვეზი მომსახურების გაწევის დაწყებიდან 72 საათის განმავლობაში, მაშინ მან უნდა უზრუნველყოს დაზიანებული დიზელ-გენერატორის ან უწყვეტი დენის წყაროს ჩანაცვლება. შემსყიდველს უნდა ჰქონდეს შესაძლებლობა, საჭიროების შემთხვევაში, შეტყობინება დატოვოს მიმწოდებლის ცხელ ხაზზე. მიმწოდებელმა უნდა უზრუნველყოს მომსახურების გაწევა მობილური ჯგუფის მეშვეობით. გაწეულ მომსახურებაზე და მიწოდებულ სათადარიგო ნაწილებზე უნდა გავრცელდეს ერთწლიანი საგარანტიო ვადა. შემსყიდველის მოთხოვნიდან მომსახურების გაწევის საერთო ვადაა სახელმწიფო შესყიდვის შესახებ ხელშეკრულების ძალაში შესვლიდან **2016 წლის 31 დეკემბრამდე პერიოდი.**

ტენდერის შესახებ დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: თენგიზ ლონდარიძე, ქეთევან მეხუზლა ტელ: 2 744 373. k.mekhuzla@airnav.ge.

სახელმწიფო შესყიდვის შესახებ ხელშეკრულების პროექტი

ქ. თბილისი

2016 წელი

ერთის მხრივ, შპს “საქაერონავიგაცია” (შემდგომში, შემსწავლელი) წარმოდგენილი გენერალური დირექტორის, გოჩა მეზვრიშვილის სახით და მეორეს მხრივ, _____ (შემდგომში, მიმწოდებელი) წარმოდგენილი დირექტორის _____სახით, ელექტრონული ტენდერის ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების ობიექტი

- 1.1. ხელშეკრულების ობიექტია დიზელ-გენერატორებისა და უწყვეტი კვების წყაროების ტექნიკური მომსახურების შესყიდვა, საჭიროების შემთხვევაში, სათანადო ნაწილების მიწოდებით (შემდგომში, მომსახურება).
- 1.2. ხელშეკრულება იდება №SPA----- ელექტრონულ ტენდერში გამარჯვებულ პირთან.
- 1.3. შესყიდვის ობიექტის კლასიფიკატორის კოდია 50500000.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია განახორციელოს კონტროლი ხელშეკრულების პირობების შესრულებაზე, რომლის მიზანია მომსახურების მოცულობის, ხარისხისა და გაწევის ვადების შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებს -----.

მუხლი 3. მომსახურების მიღება-ჩაბარების წესი

- 3.1. მომსახურების გაწევის თაობაზე მხარეების უფლებამოსილი წარმომადგენლები აფორმებენ მიღება-ჩაბარების აქტს.
- 3.2. შემსყიდველის სახელით მიღება-ჩაბარების აქტზე ხელმოწერის უფლებამოსილება ენიჭება -----.

მუხლი 4. ხელშეკრულების ღირებულება და ანგარიშსწორების წესი

- 4.1. ხელშეკრულების ჯამური ღირებულება შეადგენს ----- (-----) ლარს.

- 4.2. ანგარიშსწორება განხორციელდება ეტაპობრივად, ფაქტობრივად გაწეული მომსახურების შესაბამისად, დეფექტურის აქტისა და მიღება-ჩაბარების აქტის გაფორმებიდან და საგადასახადო ანგარიშფაქტურის შემსყიდველისთვის წარდგენიდან 10 დღის ვადაში.
- 4.3. ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.4. ხელშეკრულების ჯამური ღირებულების გადახდის ფორმაა საქართველოს ეროვნულ ვალუტაში უნაღდო ანგარიშსწორება.

მუხლი 5. მხარეთა უფლება-მოვალეობანი

- 5.1. მიმწოდებელი ვალდებულია:
 - 5.1.1. მომსახურების გაწევა უნდა დაიწყოს შემსყიდველის მოთხოვნიდან არაუგვიანეს 24 საათისა ქ. თბილისში, ხოლო - არაუგვიანეს 48 საათისა რეგიონებში. თუ მიმწოდებელმა ვერ გამოასწორა ხარვეზი მომსახურების გაწევის დაწყებიდან 72 საათის განმავლობაში, მაშინ მან უნდა უზრუნველყოს დაზიანებული დიზელ-გენერატორის ან უწყვეტი დენის წყაროს ჩანაცვლება.
 - 5.1.2. გასწიოს მომსახურება ხელშეკრულების ძალაში შესვლიდან **2016 წლის 31 დეკემბრამდე**.
 - 5.1.3. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.
 - 5.1.4. შემსყიდველის მოთხოვნის საფუძველზე მიაწოდოს მას ინფორმაცია ხელშეკრულების პირობების შესრულების თაობაზე.
- 5.2. მიმწოდებელი უფლებამოსილია:
 - 5.2.1. მოითხოვოს მომსახურების ღირებულების დროული და სრული გადახდა.
 - 5.2.2. მოითხოვოს ხელშეკრულების პირობების დაცვა.
 - 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
 - 5.3.1. გადაუხადოს მიმწოდებელს ხელშეკრულების ღირებულება მომსახურების გაწევის შემდეგ ამ ხელშეკრულებით დადგენილი წესით.
 - 5.3.2. შეამოწმოს გაწეული მომსახურების შესაბამისობა ხელშეკრულებით დადგენილ ხარისხთან.
- 5.4. შემსყიდველი უფლებამოსილია:
 - 5.4.1. განაცხადოს პრეტენზია გაწეულ მომსახურებასთან დაკავშირებით, თუ იგი არ შეესაბამება ხელშეკრულებით დადგენილ მოთხოვნებს.

- 5.4.2. განახორციელოს კონტროლი და ზედამხედველობა ხელშეკრულების შესრულებაზე.
- 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

მუხლი 6. მხარეთა პასუხისმგებლობა

- 6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ჯამური ღირებულების 0.1%-ის ოდენობით ყოველი გადაგადაცილებული დღისთვის.
- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველ გადაგადაცილებული დღისთვის.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 7.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაუღალახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

მუხლი 8. ხელშეკრულების შეწყვეტა

- 8.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
 - 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვად(ებ)ში არ შეუძლია მომსახურების გაწევა.
 - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
 - 8.1.3. საქართველოს კანონმდებლობით გათვალისწინებულ სხვა შემთხვევებში.
 - 8.1.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.
 - 8.1.5. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

მუხლი 9. ხელშეკრულებაში ცვლილებებისა და დამატებების განხორციელების წესი

- 9.1. ხელშეკრულების ნებისმიერი ცვლილება ან დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 10. დავების გადაწყვეტა

- 10.1. მხარეები ვალდებული არიან მოაგვარონ ყველა უთანხმოება მოლაპარაკების გზით. ურთიერთშეთანხმების მიუღწევლობის

შემთხვევაში, დავას წევვებს სასამართლო საქართველოს
კანონმდებლობით დადგენილი წესით.

მუხლი 11. ხელშეკრულების მოქმედების ვადა

- 11.1. ხელშეკრულება ძალაში შედის მხარეთა უფლებამოსილი
წარმომადგენლების ხელმოწერის საფუძველზე -----დან და
მოქმედებს -----.

მუხლი 12. დასკვნითი დებულებები

- 12.1. ხელშეკრულება შედგენილია ქართულ ენაზე, ორი თანაბარი
იურიდიული ძალის მქონე ეგზემპლარად და ინახება ხელშეკრულების
მხარეებთან.

მუხლი 13. მხარეთა ხელმოწერები

შემსყიდველის სახელით:

მიმწოდებლის სახელით:

ხელმოწერა და თანამდებობა)

ხელმოწერა და თანამდებობა)
